



日
子
先生文集

三編目

服部文庫
イ 17
2019
12



117
2019
12

南郭先生文集三編目錄

卷之一

擬古樂府三十首

五言古詩七首

七言古詩十二首

卷之二

五言律詩百十八首

五言排律五首

卷之三

七言律詩百五首

卷之四

五言絕句三十六首

七言絕句百三十四首

卷之五

序十一首

卷之六

序六首

銘三首

說二首

卷之七

記三首

世家一首

傳一首

卷之八

碑五首

墓誌一首

墓碣七首

卷之九

祭文一首

引一首

讀一首

題跋十五首

卷之十

書牘三十首

南郭先生文集三編目錄

南郭先生文集三編卷之一

平安

服元喬子遷著

東都

熊元朗華玉輯校

擬古樂府

秋蘭篇二首

玉池澹以清，鴛鴦且徘徊。池澤多芳艸，秋蘭秀芬哉。

秋露日夜下，秋霜恐將摧。歷時尚可采，願待君懷開。

王孫遊

去歲秋草萎，今年春艸生。春艸行復口

君不歸情



子夜秋歌

兩雨寒帷看衆星滿秋河儂自似明月不歡心

隴頭流水歌

流離隴頭水肝腸久斷絕丈夫死曠野欲咽復卷舌

大道曲

大道諸女兒一伴桃李春相逢金絡馬不避公子塵

襄陽曲

襄陽漢水東騎馬訪耆舊借問行歌兒誰家堪置酒

春江曲

岸近生芳草坐看江水隈春潮夜夜滿不肯送郎來

大堤曲二首

楊柳大堤東江流侵岸通堤下繫青翰堤上繫青驄
春草大堤西王孫歸不迷樓頭少婦坐看送怨萋萋

潮來詞二十首 并序

甲子春遊鹿島舟下刀禰行聽款乃聲調楚哀
頗有情致問之則云潮來所歌潮來常南地名
也既自鹿島歸舟歷其地就見臨江百家
唱妓俗祭日夜相聚游戲蓋東海西都率

多水漕之利魚鹽之饒商所賦亦水一都

會也其謠大類吳歌嘗讀樂府遺篇聲

及西曲諸樂想見六朝謠俗之態其聲雖不可

知以今視之士風詞情盖可知也又感劉禹錫

聽竹枝之音乃雜擬江南諸樂府比作此詞二

十首因記舟行興寄聊亦自玩耳

不見東流水歸舟西曲流潮來風且逆有時不自由

可憐洲裏鳥兩兩浮江水日見不識名指顧問客子

門前倚獨樹鬱鬱掩江涯為是苦心多春來不著花

浮洲沙作岸離斷在江心不是關出沒潮來自相侵

聞說東都春華麗簇豔姿青樓百餘尺憐歡知是誰

橐中剪綵段錦綺固不一總為郎心多中斷不成匹

海門波浪險海舶警投津今春聞歡至默禱拜江神

大舸迴東海幾日發仙臺可憐通波浪載歡酒能來

共言鈿子浦諸豔更繁華惡聞諸估客此來動相誇

云自鹿洲返躑躅祭成霞郎目自易移何似此地花

鹿洲孤石根底深難可測淺見我郎心那能知儂

來稀生何速知郎憶儂非今朝風浪重舟歸

為歡長江寒不惜脫衣新經新為

著身

風流能已歸風流能更至只任郎擔篙不關他人
大堤數株柳不繫歡舟歸空餘惱人色不似儂依依
江春二三月狂風捲柳絮從他江水流莫誘持春去
草草作書信臨江曲曲多心長言不盡且封寄流波
江水終歸海取實何必華兩心同可保那問不成家
今夕侍郎宿相携到水頭娥眉妬新月小背眄江流
潮來歡復來來數兩不厭共唱潮來詞相憐此調艷

五言古

人日登臺

城向有高臺乘春且登臨春風吹萬物光澤動園林
况逢人日嘉繁華自可尋宮觀何鬱鬱闐闐麗城陰
車馬多貴客歡娛愜賞心剪絲競相贈奇巧直萬金
顧此應和氣蕩滌開懷襟寄言幽谷鳥亦應改好音

答田彥愛二首

秋風摧庭樹白露復為霜感此變衰候中心坐悲傷
鴻鴈碣石來遠過濱海鄉為我傳尺帛中有相思
故人憶在昔旦夕金門傍冠佩何委地
賢良

不意浮雲變沒迹，天一方時物怙春和。夕日朝陽且勉爾，遯志願復愛景光。

故人從遠方，遺我蒲萐席。清潤冷且柔，殊勝錦與璧。歲晚養吾老，偃偃枕藉臥。見秋雲馳感，念江湖迹一席，尚可卷我心，不可釋。此物出君手，永言護愛惜。

停雲館集分體

侯家公子館園後，共燕嬉。座客何多才，歡笑相追隨。詩賦與絃管，高歌寄妙詞。金樽玉盤饌，杯行亦不遲。青松列庭樹，朱實間離離。對景知歲寒，復感日月移。

蟋蟀刺過儉，娛樂貴及時。况茲良宴會，千秋以為期。

雜詩三首

挺挺園中樹，鬱鬱生華滋。涼風西北來，凜凜日夜吹。枝葉漸摧落，榮色復且衰。幸有託根固，生養澁不移。陽春回德澤，繁殖自有時。人生一以死，去者將安之。水流不返源，枯桑不生枝。非復少壯日，老大當憑誰。年暮常懷憂，耿耿臥牀幃。永夜漸已旦，旦復起攬衣。日出東城隅，行露隨時晞。聊過友人居，良會偶相依。伐木弑黃鳥，友生同翬飛。坐有絃歌曲，誰謂知音希。

斗酒固不薄，肴饌豐以肥。顧我麴糵舉，杯為我醉。昨夕憂悲，今日樂相樂。心歡不可違，問我何所苦。徒誤百年期，請君今不醉。奈此桑榆輝。

湛湛赤羽水，涼飈起河梁。送子多親友，悵悵淚沾裳。浮雲何奄忽，遊子歸故鄉。故鄉雖可思，交歡安可忘。相顧東都會，第宅滿路傍。竒麗百餘尺，誰不上華堂。况我狂簡士，各自成彩章。臨此携手岐，酒酣共彷徨。努力貴不棄，壯志愛年光。隨時重蹈海，東路不為長。

七言古詩

秋夜送別

置酒張燈夜送客，高堂一會暫同席。趙瑟秦箏催舞姬，萬錢之費那應惜。但願今夕為君長，鐘漏近人何促迫。酒酣移坐月臨階，林風吹葉秋蕭索。為道關山匹馬難，且憂書札孤鴻隔。忽聞門外驪駒嘶，離情惻惻東方白。一宵歡宴把袂分，杯酒未醒成疇昔。去留相看涕淚流，古來誰不悲行役。

中秋桂花樓飲今夜未卜陰晴

桂花樓上待月明，桂花正開酒復清。清酒百盞先已

醉朦朧未下夜陰晴聽來松濤驚雨度望盡海雲疑
月生天上元近桂花樓人間誰知此日遊賦月賦風
多興到為雲為雨皆風流但願年年飲美酒長此相
期明月秋

畫龍引

君不見南宋牧溪僧畫先筆力壯快至今傳墨龍之
跡最生動神理兼存五百年又不見海雲上人緇流
豪禪餘遊藝功亦高嘗技畫龍聊騰寫與真無二析
毫毛展開咫尺大雲垂天門噓雨墨淋漓中有靈快

之神物雷電晦明看髣髴岐角竦鱗隨勁筆草成信
手何真率鬼眼深似牖中窺阿堵一點黑如漆體毛
簇簇削劍峰駿鬃直從肉中出九似三停何必論出
沒雲煙變未畢乃知五百年來上人繼此道亦應稱
命世笑他葉公好未深吾愛真奪天龍勢只恐風雨
擊壁間雙飛時不可復掣

秋夜長

秋夜長長門宮裏夜如年錦衾瑤席共誰眠展轉不
堪心緒亂且起徘徊玉階前玉階憶昔君王宴花朝

月夕合歡殿只今唯伴寒蟬鳴春去秋來顏色變中
天懸月為誰明思君未光安得見心緒亂何時旦秋
夜長兮斷入腸愁莫長兮秋夜長

烏石齋中七物分賦鐵如意

鐵造如意何所似樛首蜿蜒身黑龍是晉代之物風流
存烏石山人愛兼此青羅館上白綸巾赤水溪邊烏
皮几瀟洒相得不惹塵雅客尋常盈坐裏主人兼此
一清譚名理千言吐纒纒更見善書兼善詩譚關聊
註主人技一掃雲煙落筆端舉坐爭珍稱雙美墨雨

淋漓猶未乾兼此風前鎮繭紙不用豪態碎珊瑚未
論壯心擊玉壺主人從來無長物滿堂休問財有無
為報眾賓且安坐祇應此處譚玄珠

莊子謙遊芙蓉圖歸同題作歌

莊生換骨試仙才飄舉芙蓉玉女臺環海纔分半夜
日天門且倚北斗魁摩挲絕頂如憑式俯瞰旁頽似
覆杯拍然一笑天地小齧雪餐冰信宿回窮覽縮地
作彈丸為我攜歸指掌看石室之秘雲臺錄帶來灝
氣至今寒君不見芙蓉萬古奇誰敢窺其極天下文

南 卷之一
章高莫高知君起然亦此得

停雲館歌奉贈滕公子

城西邸第接霄漢中有風流公子館館中公子富文
雅不事鬪鷄兼走馬七步賦詩臨淄侯三調吹笛桓
子野絃管文章日會友詩成交涌如泉酒酒酣一曲
公子吹律呂密櫛奮繁手已聞五月落梅花更奏四
時折楊柳聲聲上干咫尺天坐客相看皆矯首丹鳳
城頭五色分慶雲帶日且紛紛有客稱觴向公子請
號此館曰停雲更申將來千秋祝長過青雲倚氤氳

早雲寺覽古

臺殿松杉入空翠巋然獨存知何寺云是黃金長者
園唯有青苔布滿地古木森森歲月長野人為說全
盛事綺羅春殿舊時花墓草碑苔冢累累空伴名號
列五公剝石一看皆涕淚憶昔永正元龜中天下車
書久不同萬邦瓜剖相吞滅龍戰虎爭誰不雄就中
勃興北條氏一朝割有海沂東累世子孫功業繼八
州草木共偃風大城列峙精兵饒晝環金甲夜鳴弓
氣籠山嶽風起勢捲波濤江海通何意中原出霸

王一旦長驅封疆石堦山上臨闔境震擊天雷石
可障計窮面縛悲瓦解城池社稷共喪亡即今四海
日月新此地為餘供香人關門行路通大嶽弔古且
過溪水濱野店山橋無情甚往來屢送馬蹄塵

讀萬公終期詩詠歎作歌示烏石山人

江陵遺集傳可知果然天地一部詩放歌金石聲為
律絕世空門無此師披篇千變將萬化豪端幻出一
何竒漢唐宮闕坐氤氳亦似清都儼架雲鳳彩龍章
看五色衣冠旌旆盡成文栢梁天子分辭賦侍臣丞

相大將軍將軍舊領漢家兵號令分明鳴鼓行鐵騎
鏘鏘汗馬走宛如陣雲掩敵生又見婉態閨秀似糝
出傾城妖冶子柔心嬌面鏡中花花鳥傷情寫得是
一掃倏然長嘯高何來天籟飄風號變態無窮草木
怒更疑大海起波濤風濟還觀明月孤山堂依舊靜
江湖色相片雲無一點相照偏懸不夜珠握中大寶
如車輪此師運轉盖有神魑魅魍魎供驅役陶鑄况
復古今人觀音大士多即現天部龍部宰官身世俗
眼花易眩亂誰知隨處不離真

觀芙蓉圖引

平生數見芙蓉圖俗工衰落氣韻無雪舟方外遊
 戲芥蒂乾坤吞海隅海雲上人騰竒迹壁觀帶嶼名
 山孤上人顧指為我說維昔雪舟舟載雪飄飄遠航
 滄海西壯遊燕京探竒絕名達明庭引見催大國君
 臣宮殿開命画春卿署中壁筆下生動春風回闔國
 衆工無傳匹滿朝嗟賞妙絕哉更為明人寫神嶽座
 上驚見金銀臺秦漢昔嘗漫相覓始知日本是蓬萊
 鐵冠道人詹仲和作詩瞻仰意頗多但恨名山與名

寫

瞻

斂

筆歷倒不足鬪嵬我此圖何人攜得傳歸本扶桑日
 出邊名画通靈如蟬蛻即今此土追飛仙南郭野翁
 蹶然起聽此斂容暫瞪視由來瀛海五雲中窟宅神
 仙長不死峻極更有真芙蓉彼國之人能知否

古瓦硯歌

烏石耽書及瓦石顛狂不減南宮癖缺瓦一片得之
 多賀城古迹贈我之情一勝黃金與白壁即成圓硯
 觀甚竒因形不假巧刻畫草堂日永向晴窗安帖悶
 對竹書籍土塊千年偶爾存使我悠然感往昔昔時

西華集三編 卷之一
奧東雜外荒島夷北連大小貊羯羗未懷王化仁牧
馬時來窺塞柵朝議增築多賀城鎮府長思安邊策
大野將軍戰畧多偏裨并擊揮戈戟懲戎更徵諸道
兵屯戍此地備征役從是聲教漸海沂列世相承疆
益闢當今昭代百餘年萬國來朝執玉帛奧州東海
表大風冠帶並封公侯伯今日寰中成一家除斥邊
關永不隔吾儕高枕樂有餘至老未曾知兵革養拙
筆研憐棄才此物雖微可愛惜遭此堯衢擊壤時鼓
腹作歌忘頭白

小督詞

漢宮明月為誰悲中夜君王有所思帳外無人簾未
下金殿沈沈玉漏遲忽向階前召當直御史中丞臣
仲國寵姬小督逃宮中死生朝野無消息如聞潛匿
在西郊密詔今宵行物色垂淚慙慙授賜書履龍且
給黃金勒御前直赴長安西潑夜行行驄馬蹄野草
茫茫人寂寂月下揚鞭且不迷筆門圭竇多相似何
由妄意識幽棲憶昔合歡宮裏宴叨將吹笛充時選
一時合奏寵姬琴名媛妙聲誰不辨今夕姬人對月

南華集 卷之一
明定知彈寄思宮情西落東村秋一色唯聞唧唧
蟲鳴最後鬢髮龜山下初疑風韻入松聲徘徊稍覺
變商調送得長風怨且清按徵復揚還幼妙貫歷中
操次第生已辨當年纖手絃分明一曲想夫憐昭君
遠嫁楚妃歎孤鶴漫漫翼隔天認得柴門叩戶扃戶
扃不啓琴聲停良久侍兒開半面推前排戶立閑庭
傳詔天書使御史且報宮中合奏事自君不見九重
愁宸襟憂鬱寢宮裏願得親自承君言歸朝取信奏
天子主人奉此心竊泣謝使先贈錦袴褶踈簾風淺

深閉難月露熒熒近欲濕素書細寫久遲疑徐起隔
簾前致詞妾身謬受君恩重欲陳虛欵雙淚垂葛藟
從來依庇蔭私侍深宮人不知姬姜滿殿憐憔悴管
蒯盈筐恥麻絲太液泛舟觀月夜上林陪輦賞花時
誰料疾風吹且暴草微力弱畏先掃浮雲鬱鬱雷殷
殷白日天恩終不報螻蟻那惜此身止恐將妾故累
君王自棄唯甘妾薄命零落草茅長潛藏為我還聞
聖天子千秋萬歲愛朝陽車馬迎來勿復問明朝且
作北山霜

南郭先生文集三編卷之一

南郭先生文集三編卷之一

